

御制詩二集

御製詩二集卷之二十二

古今體一百一十六首

辛未一

辛未元旦

瑞烟喜爆引晨光
首祚新春啓百祥
一歲勤民今日始
大清承運萬年昌
玉階王會衣冠盛
金殿朝儀禮樂章
正值

慈寧開六袞敷天壽域慶方長

元旦試筆

寰瀛啟祚慶元正
試筆先吟萬事亨
新歲符

桃占稔歲祥聲爆竹發春聲幸逢累洽重熙
世益勵敬

天勤政情乘氣行時應倍勝江南韶令早相
迎

王淵桃竹春禽圖用圖間題者韻

滿幅和嬌色春光忽冶明更聽枝頭鳥東皇
鼓吹聲

春水綠且淨春筠靜不譁雙鴛交頸卧一夢
穩烟花

古銅章歌

鳥遺神跡皇頡循書傳六體篆最真岣嶁石
鼓傳鴻文依稀星斗懸高靈求其近是當於
秦漢承其法徵據陳撥蠟鑄金鐫泐勻封邑
爵號犁然分詎惟鑒古怡心神藉考數千年
草因誰搜奧衍金薤珍藏棄已久典內人屏
擋惟謹錯置紛重排次命翰苑臣乃得列眉
指掌紋斗檢壇紐各編鱗翠光褐色古且新
龜文斜列櫛龍鱗鼎彝之側席上賓靜為瑞

星動商雲

題唐棣烟波漁樂圖

施罟潏潏笈聲譁換酒烹魚樂莫加無慮催
科敲夜戶東瀼西塞好浮家

乾清宮小宴宗室臣工即席得句

初筵和會景含韶瑞色瓊樓雪未消已覺心
期欣夏麥好酬節物頌春椒紫觴底用行麟
脯青律徐聞引鳳簫行葦載歌厘保泰百年
一統正熙朝

新春重華宮

即漸青韶到玉鑾新年書史伴清歡錦呈天
鹿裁幡勝篆引仙凰噴麝蘭風定蓮壺添永
漏雪融鴛瓦避輕寒奏章尚簡心餘暇鏡古
勤思體治安

寓言

置方丈之屏於十步之間而不能蔽九仞之
山一指當目可使不見泰華巔畫灰促膝謂
弗聞焉書其後者不啻耳屬於垣勿恃已之

明勿謂人弗聰叶吾誰欺乎與時偕行

齋居讀書效白居易體

志在魯論語行在虞典謨觀理上下易游情
三百詩叶苟能體諸躬四種蘊無餘但侈資
博覽五車亦云徒新年景和韶法宮此齋居
政務值多暇吾還讀吾書讀書如是讀豈同
章句儒

十八學士登瀛洲歌題李公麟所畫

府開天策敦儒林章縫魚雅欣盍簪優游永

日夫何事未必徒耽經史資歌吟當時學士
數十八世間爭羨登瀛洲而入琳闕試問閣
家右相傳神筆是中誰果真仙骨我聞潛龍
勿用子之網通易豈必惟京房雍容羣彥倘
陳及庶其禍弭闕于墻春秋要欲責賢備我
偶為歌申其義伯時摹古構長圖有合閭乎
姑且置

王蒙倣李公麟藍田莊圖

同意不須同格調藍田生面宛重開題詞詎

似蘇學士折簡惟招裴秀才輞水淪連琴筑
響屏山截薛黛螺堆龍眠長卷相叅證冰水
青藍謾浪猜

題宋宣和澄泥硯

澄泥貢硯識宣和小篆分明泐未磨撫不手
留質古玉映教心澹色春波出陶底異銅臺
瓦受墨偏宜槩几娥温室餘閒常命什勅幾
惟覺慚去聲賡歌

雪

正月四日

舒葉雲呈瑞含花雪先去聲春霏微風點玉爛

燭日融銀節景佳尤倍農祥喜是真麥占符

去歲甘雨更期旬

去歲正月四日亦雪春夏之交惜復望雨故云

孟春時享

太廟

魯論欽與祭周雅詠於昭

太室修精禴王春報始韶徒瓜縣益衍本木

接非遙濟濟趨三獻

宗廟之祀皆宗室奉爵

依依眄

九霄僊聞希

黻宸顯相肅鷁僚

啓佑鴻規遠丕承仰

五朝

免江南積欠二百七十萬及浙江本年
正供三十萬兩省在京臣工具摺謝
恩詩以示之

御宇十六年敬勤盟宥密日久虞或懈觸事
勵無逸祇此保赤懷自信始終一際和賴
天庥宜與民休息正供三百萬概免施恩恤

念茲江浙地財賦之所出豈能無水旱曾未
靳賑賙閭閻象如何觀民將啓蹕正逢大慶
歲

慈寧開六袞兩江積逋多蠲除惟一律浙省
歲額完足占民俗質示嘉量寬徵庶免追呼
疾百工佐予者寰海籌寧謐爾雖懷桑梓予
惟責名實但期一德同言謝均奚必在易有
至訓惠勿問元吉

新春瀛臺即景

鏡中結構學蓬萊行樂新春到趵臺春入湖
山韶且秀雪凝樓觀淨無埃

詰曲蘭蹊竹柏青春煙融冶泮初晴書齋間
檢前題句又覺新年景物迎

翰墨林中靜六情收來雪水煮三清
天街名茶爆竹喧鳴處都是皇州報喜聲

補桐書屋作

初歲喜載陽仙壺得春早玉梯步嶙峋石門
尋窈窕芸齋小留憇琴音和春鳥風竹動琅

玕雪梅綴珠蔎契理獨忘言佩文因味道

豐澤園賜外藩小宴

高張黃幕裔雲垂珀色流霞泛紫卮我謂嘉
賓漫矜式羣稱屬國奉威儀零陵琯玉調雙
鳳少海驪珠燦九枝行慶發祥同宴衍一家
中外保雍熙

蘓軾墨竹

絕壁離披數葉筠翁作此宿無塵

軾自識云元祐

三年五月八日武昌朱君善招飲於雲麓寺宿無塵閣作此

莫嫌石瘦根

何托大似稜稜強項人

題唐人會昌九老圖

簪盞車懸樂且康
引年願志洛之陽
宛教撫蹟尋崖口
不異同時覩會昌
九老八百十六
歲文筵翰墨衣冠香
披圖猶憶東都路
惜未曾逢履道坊

新月

碧漢一彎新寒光
且未勻今年初見月
去歲已思人雪積成清友
梅疎得幻身無須眄三

五鬣影看移頻

承光殿

似月琉璃界中規
詆蕩闔竦鰲橫飲練鳩鵲
密鋪銀乘暇境尋勝含韶景
奏新時行饒樂
意嘉與物皆春

今年三月為

孝賢皇后三週之辰以恭奉

皇太后南巡屆期弗獲躬奠爰於孟春七日
預行致祭流光瞬息觸緒增悲感成

長律

展義觀民已練辰

慈輿行慶奉南巡
奠朝不與悲先奠
人日那堪憶故人
預恐觸懷靈輶舊
更當接禮翟衣新
青齊此去經由路
未擬思量早愴神

題宋人秋山圖

秋山合沓草堂閒
秋宇霜高秋樹殷
元四大家此津逮
晉七賢者其往還
劇憐慘淡經營處
更逢峭蒨青葱間
擬携新稿憑書案
字句